

79.

TROPÆA HONORIS

pone Tumulum

Viri Illustris atque Magnifici

**DN. JOHANNIS
AUSTENII,**

BURGGRABII REGII, & PROCONSULIS,

De Patriâ suâ insigniter meriti,

Cum Is a. d. XXII. Februar. A. S. R. M. DC. IVC.
in Templo Mariano

Magnificis Exequiis conderetur,

prosperæ recordationis ergò
devotâ mente ac manu

erecta

à

**Gymnasii Thorunensis
RECTORE & PROFESSORIBUS.**

THORUNII,

expressa Typis Johann. Balthas. Bressleri, Gymn. Typogr.



Picinellus

In Mundo Symbol. lib. V. cap. 34. p. 410.

MONOCEROTIS


picturæ

additur Virgilio Lemma:

STAT VERTICE ROBUR.

Quasi diceret:

*Quemadmodum totum generosi istius animalis
robur intra caput, validissimo armatum cornu,
residet: ita N. N. (Viri Consularis) vires cum primis
in Sapientiâ, Prudentiâ, Providentiâ, Fide, aliisque
Virtutibus, in ipsius capite collocatis, sitæ sunt.*



Wohlmeinende Gedancken
über gegen über stehendes Emblema.



Ehret / wiehr wollt / ihr Curiösen Seelen / (a)
Auf Erden halte sich kein Einhorn gar nicht auf.
Ich stimme selbst mit ein / in Nereus tieffen Hölen
Vollführe dieses Thier den ganzen Lebens-Lauff.
Ein Bild davon könnt ihr dem Lande doch nicht leugnen /
Das so im Feld / als Stadt / geschickte Männer
hegt.

Ein Einhorn ist / dem man kan dessen Krafft zueignen /
Nicht nur / wo hier und dar ein Narval (b) Hörner
trägt.

Dergleichen Bild mußt ihr voraus den Thornern lassen /
Allwo des Rathes Stuhl mit Wiß und Krafft besetzt.
Laßt Wohlfahrt umb sie ruh / laßt auch den Reid erblassen!
In beyderley Glück stehn sie doch unverletzt.
Besonders ist allhier Herr AUSZEN anzuführen /
Herr AUSZEN / unser Haupt / des Rathes Lust und Zier /
Der Bürger Zuflucht-Haus / an deme nichts zu spüren /
Als was veranügen kan der ganzen Stadt Begier.
Der irret / der sein Thier bloß in dem Wappen suchet.
Von seiner Einhorns-Krafft weiß beydes Stadt und Land.
Sagt nicht / Er habe nicht das Laster-Gift verfluchet.

Durch seiner Klugheit Saltz (c) ward vieles abgewandt.
Gleich wie das Einhorn sich durch seinen Zahn (d) beschützt /
Und andern / die es ehren / verlangten Nutzen schafft:
So hat der theure Mann gemeiner Stadt genühet /
Und / was Ihn hemmen wolt / mit weichen abgestrafft.
Ich wil sein langes Lob in kurze worte schrauben:
Sanftmuth / Gerechtigkeit / Vorsorge vor die Stadt /
Verstand / Aufrichtigkeit / Erfahrung / Treu und Glauben /
Dis war sein Amtes-Horn / damit Er schaffte Rath.
Seht aber! dieses Bild muß leider! wieder sterben!
Es wird / eh dann es satt genühet / abgelebt.

Das Einhorns-Recht mag Ihm kein Vorthail hier erwerben;
Er wird nun gar ein Horn / (e) das man im Sande gräbt.
Den theur-verdienten Ruhm kan wol kein Grab vertunckeln;
Doch muß die Stadt den Schutz / sein Haus die Gunst / entpehren.
Sein Tugends-Einhorn wird auch nach dem Tode funckeln;
Doch kan es nicht / wie vor / erwünschte Krafft gewehren.
Zum Trost / womit sein Haus inzwischen sich mag laben /
Laßt diesen Todten-Paß an alle Freund ergehen:

Wenn alles Einhorn bleibt in Tellus Grufft vergraben /
Dann wird Herr Austens Leib zur Herrlichkeit aufstehn.

(a) Ol. Wormius in Museo. p. 282. seqq. Olcar. in der Gottorp. Kunst-Kammer. Bochart. lib. III. Hierozoic. cap. 27. p. 953. seqq.

(b) So wird von den Mitternächtschen Völkern der Wallfisch / so ein Horn auff dem Kopffe trägt / genannt. Worm. l. c.

(c) In Officinen calciniret man nicht allein die Hörner / sondern man machet auch ein Sal volatilo, Spiritum, Del / Magisterium &c. daraus.

(d) Wormius hält l. c. dieses mehr vor einen Zahn / als vor ein Horn.

(e) Nebst dem obigen Wasser. Einhorne wird auch hin und wieder ein Unicornu fossile, so man aus der Erden gräbet / gefunden.

M. George Wende.

ERgōne *Burggrabium* mors abstulit improba Nostrum,
Inclytum & Illustrem Magnificumq̄ve VIRUM,
JOHANNEM AUSTENUM, Decus immortale *ThorunI*,

Judicio eximium Consilioq̄ve gravem?
Sic est. Pallida mors, heu, Sceptra ligonibus æquat,
Et pulsat turres, pulsat & illa casas.

Mors nescit Legem, tollit cum paupere Regem,
Illa necat Juvenes, enecat illa Senes.

O Te Magnificum Civem, Patriæq̄ve Columnam!
O Mæcenatem Gymnasiq̄ve Patrem!

Qvò properas, *Fautor*? Qvò Te via ducit ab Urbe
Noster Amor? Cur Nos deseris, Urbis Honos?

Curia fle, Cives lacrymis mæsti ora rigate,
Fle Soboles, ô fle Sangvine juncta cohors.

Egregium Virtute VIRUM sepelimus in urna,
Et Patriæ Patri debita justa damus.

Sit tamen at flendi modus, en solamen amicum,
Insignis qvòd VIR jam requiescit humi.

Devicit morbos, qvi illum cruciare solebant,
Jam sanus vivit, vivit ovatq̄ve polis.

Omnipotens DOMINUS reliqvos Proceresq̄ve Patresq̄ve
Conservet sanos incolumesq̄ve diu!

Exhilaret Sobolem læto solamine mæstam,
Illius maneat semper, ubiq̄ve Pater!

In honorem piè defuncti Domini Præ-Consulis scribebat

Wenceslaus Johannides, Gymn. Th. P.P.

GRandior ut *quercus* mediis diffissa medullis,
Quam valido fulmen verberare stravit humi;
In casum *virgulta* trahit, subjēctaq̄ve truncat
Robora, stipitibus dilacerata suis:

Sic tua mors, VIR MAGNE, gravi convellit hiatu,
Affligitq̄ve tuam clade nocente Domum.

Quid, qvòd *Œ* in luctum communem conjicit Urbem,
Cui præcras multa cum gravitate diu.

Vincendus tamen hic dolor intractabilis, atq̄ve
Numinis arbitrio subjiciendus erit.

Erigat Hoc Natum, Natas, Generum, atq̄ve Nepotem,
Qvotqvot *Œ* interitum flentq̄ve dolentq̄ve tuum.

Te vero, Venerande Senex, tot honoribus auctum,
Conspicuumq̄ve gravi dexteritate Virum;

Quem caudor, probitas, quem manserat inclyta Virtus;
Axe triumphantem recreet ipse DEUS.

Συμπέθετος ἱερ.

M. Johannes Sartorius.

SI fas est, VIR MAGNE, tuos accedere manes,
qvos sperata diu sustulit atra dies.

Si licet, angustas animi describere dotes,
præ multis qvarum digna tropæa refers.

Si mihi concessum est, elegis ornare sepulcrum,
urbi qvòd nostræ plurima damna dedit.

Umbrae ferales, & muti vertite manes
Lethæas undas in tetra signa, rogo.

Tu Libitina tuam calamos in vertito falcem,
ut cœptum tristi tramite currat opus.

Argumenta mæi non sunt velanda doloris,
qvem nunc *Austeni* mors inopina dedit.

Tam clarum cœlis, qvam rarum sidus in urbe
occubuit! madidas qvis vetet esse genas?

Non est de nihilo, qvassæ cum fulcra carinæ
in mediis subito disjiciuntur aquis.

Quando domus veteris labant fundamina, quisq̄ve
tristes & miseras sentit adesse vices.

Cum capiti bene, florenti sunt membra valore:
si capiti male, tum languida membra ruunt.

Qvæ nos post mortem Proconsulis usq̄ve manebunt
fata, DEI poterit tollere dextra potens.

Is fausto acceptum reparabit sidere damnum,
fulcra dabit nobis: & caput urbis erit.

Attamen *Austeni* non nostra mente peribit:
Austeni nostri fama superstes erit.

Burggrabii qvoties falces tractavit in urbe,
qvos *Regis Magni* gratia misit ei.

Aut qvoties summo defungebatur honore
Præsidis, aut alio munere clarus erat.

Omnes officii partes explevit abunde,
candidus eloquio, candidus auxilio.

Ipsè ministerii sacri sacer audit amator
dictus Apollinei gloria prima chori.

Hic venerandus erat Themidis Legumq̄ve sacerdos:
Justitiæ fontem nunc sine fine bibit.

Austeni nulli vetrum pietate secundus
fiderei valvas liminis intrat, ovat.

At vos, qvi Patris defletis funus amandi,
qvi fletis foci tristia tata boni.

Qvi fratris mortem gemitu suffertis acerbo,
qvos chari Affinis mors inopina dolet.

Vos omnes, inqvam, soletur gratia verbi
divini, mentes exhilaretq̄ve pias.

Filius est absens patrio pia verba sepulcro
scripsit, qvem, tellus Svecica, redde cito.

* * *

*Mole sub hac, Hospes, posuit lacrimansq̄ve gemensq̄ve
Burggrabium Patrem, Filius Austeni.*

*Felix morte sua Pater est, da Christe Redemptor,
Qvòd Pater est, ut idem Filius esse q̄veat.*

Ultimo carmine ultimam propensamq̄ voluntatem suam in
familiam Austenianam declaraturus scripsit

M. Martinus Böhmi.

CONSOLATIO AD GEORGIVM AVSTENIVM REIP. THORVN. SECRETARIUM SVPER OBITU PARENTIS.

O Te verum vatem! abiturus non ita pridem in Suediam. postremum a te visum parentem nobis audientibus vaticinabaris. O te verum, repetam enim, vatem! at inauspicatissimum & feralem: nam infelices Calendæ Martii, & maxime illætabilis octava & decima illarum genitorem tuum ex oculis nostris acerbo ac immaturo funere subtraxit. Licet enim secundum & septuagesimum ætatis annum excesserat, tamen nunquam non clarissimorum civium ac perinde patriæ suæ assertorum, exitus intempestivi & properi censentur. Quo plura quippe spirantes præstiterunt, eo avidius voto & cogitatione præsumuntur repetunturq; præsertim cum rarius hodie exstent, qui civitatis iuxta ac aulæ gnari, in magnis publicæ rei calamitatibus, obire officia & gerere magistratus possint. Profecto amiset in eo non tantum civitas hæc patrem plane, sed & tota Prussia exemplar ævi prioris quærendum maxime & desiderandum. nobilissimæ familiæ cum primis, cui in hac tristissima temporum serie, tanquam numen aliquod ac sidus salutare præfuit & affulsit. Quanti porro virtutem eius serenissimus rex ac dominus noster aestimaverit, grande favoris documentum est, quod Burggrabii fascibus subinde eum exornaverit. Qua fide, industria & studio, in his partibus versatus sit vir summus, illi testentur, qui dictorum eius factorumq; conscientiam habent. Taceo priscam eius gravitatem cum comitatis quodam temperamento, quo non modo in oculis civium magni aestimabatur, sed ipsius etiam reipublicæ Polonicæ proceres in sui admirationem traxit. Omitto hic quoque indefessum legendi libros studium, etiam ubi cum adversa constigaretur valetudine: insignem temperantiam vitamque dispositam, ut hinc post septuagesimum annum oculorum vigor ita fuerit integer, ut specillis non egeret. Nunquam animo meo excidet humanitas & admirabilis orationis dulcedo, quæ ad umbraticum sermonem responderat, cum gymnasii nomine, Burggrabialem honorem, annuo ab hinc spatio, eidem gratulatus fueram. Quibus de causis necesse est tanquam immaturam mortem eius in sinu defleamus. Interim terminum dolori statue, in spem paternæ laudis assurge, & expeditionem reipublicæ divina gratia confice, patriæque tandem redditus, adventu tuo omnes recrea! **V A L E!**
Scrib. XII Calend. Martii M DC XCVI.

PAVLVS PATER Mathem. P. P.

Catullus ad Furium & Aurelium.

Cecidit, velut prati

Ultimus flos, prætereunte postquam

Tactus aratro est.

Cara Deum soboles, Patrum generosa Corona,
Laberis, & repetis pigræ cunabula terræ,
Orta quibus fueras. Velut Actor vela theatrum
Dum claudunt præpes veteri statione recedit;
Ut ferro armatus, post horrida prælia miles
Vulnere & incusso lassus tentoria spectat;
Ut volucris latebras, flammans dum fulminat æther
Sollicitè quærit, mediis & se occultit umbris:
Sic tu post spretas trabeas, justasque secures,
Post latos clavos, casus, post mille pericla
Abjectis remis, curis, domibusque relictis,
Sacra sepulchra Patrum, & sublimia fidera quæris,
Tendis & ad Dominum dederat te qui prius Urbi.
Da veniam, patulum stimulabo carmine vulnus,
Quod sentis, populi decus & Regina, Thoruna,
Ante oculos ponam furtum Mortisq; rapinas.
Viginti non dum cesserunt ordine iusto
Tresque anni, totum, totum lacrymando Senatam,
Vidisti infesto Libitinæ turbine sterni,
Componi & tumuli tenebris, rictuq; sepulchri.
Primus, quem recolit scribens hæc penna Poëtæ,
Napsius ille fuit. Præcedens præpete cursu,
Hic monstravit iter subeuntibus antra quietis,
Classica & intonuit, iussit componere vasa.
Unus post alium monstrato tramite pergit.
Ultimus est Austen de istis, quos Curia, recti
Justa parens, gremio fovit, nutritivo amico,
Quos potuit veniens, Duce Numine, cernere Vates.
Hic claudit stragem Patrum, cum luce Curules
Et fasces linquens tenuit quos. Orba potestas,
Burggrabiale jubar, per quod res statq; caditq;ve
Publica, conficitur luctu, spissaq;ve resedit
Nocte, dolens casum, demissa & lumina velans,

Exspe-

Exspectansqve toros, & fortia pectora, nunquam
 Quæ metus invidiæ frangat, lædantqve procellæ.
 Talia sint etiam, possit quò crescere virtus,
 Inflammata ausu improbitas mitescere contra.
 Gesta Viri non est nostri describere metri,
 Quæ taciturna sciens prudenter Curia celat.
 Hoc satis. Ille potest dici Candoris Imago,
 Quæ se ferre potest quivivis. Hæc unica virtus
 Inter tot technas, inter tot squalida bella
 Et Patrum, & Fratrum, vicinorumqve triumphat.
 Semina pulchra quidem virtutis combibit hujus
 Ille domi, sed eis vires dedit inclyta Leida,
 Et Franekera, viris doctis quæ sæpè superbit.
 Non rigor æternus Ponti, scopuliqve cruenti
 Aut timor adstrinxit glebæ, fumoqve paterno,
 Ut tardus nollet peregrino Sole calere.
 Nec tantùm caluit, sed vellera rettulit auri
 Doctrinæ, ut victor veniens de Colchide Jason.
 Dulce mihi quondam fuerat miscere loquelas,
 Præ-Consul tecum, & dilabens fallere tempus.
 Et rerum satis altarum, satis oris habebas
 Ausonii, placuit quoties depromere lecta,
 Vel quæ vidisti, vel quæ non pauca tulisti. (a)
 Tu mihi laxasti calles, Patrone colende,
 Stare loco ut possim, teneram & formare juventam
 Palladiis adytis olim. Retinebo favorem
 Mente, animo memori, Teqve & post funera amabo.
 Tollite jam gelidos artûs & mergite terræ,
 O Vespillones! animus quem Regia poscit
 Cœlestis, capiat sedes peragatqve triumphos.
 Tu verò, Numen, prolem complectere amore
 Patris. Ei fontes largos reserato benignè.
 Esse tuas scimus pretiosas æqvore conchas,
 Atqve ebur omne tuum est, quod dives possidet Indus.

(a) Boëthius l. 2. de Consol. Philos. Prosa 4.

Qvis est enim tam compolitæ felicitatis, ut non aliqua ex parte
 cum status sui qualitate rixetur?

Consecravit ista Fautori Suo
 Johannes Rezik, P.P.